



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e-mail: info@voda.ba

Broj: **UP-1/21-3-40-209-4/23**
Datum: **16.08.2023.godine**

„Agencija za vodno područje rijeke Save“ Sarajevo rješavajući po zahtjevu investitora OD „ADO“ vl. Golubić Đula-Tarčin, za donošenje rješenja o vodnoj dozvoli za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada farme za uzgoj pilića, izgrađene u naselju Odžak u Tarčinu, općina Hadžići, na osnovu člana 109. stav (2) tačka 1. Zakona o vodama („Službene novine Federacije BiH“, broj 70/06) i člana 200. stav (1) Zakona o upravnom postupku („Službene novine Federacije BiH“, broj 2/98, 48/99 i 61/22), donosi:

RJEŠENJE **o vodnoj dozvoli**

1. Investitoru OD „ADO“ vl. Golubić Đula-Tarčin, daje se vodna dozvola za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada farme za uzgoj pilića, izgrađene u naselju Odžak u Tarčinu, općina Hadžići, kapaciteta 8 000 pilića, na zemljištu označenom kao k.č. broj: 974, K.O. Duranovići.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola, od strane drugih nadležnih organa, a sve u skladu sa važećim zakonskim propisima, odlukama i dr.
3. Vodna dozvola se daje na osnovu činjeničnog stanja utvrđenog pregledom dostavljenje dokumentacije i izvršenim uviđajem na objektu, pod slijedećim uslovima:
 - 3.1. Da korisnik OD „ADO“ vl. Golubić Đula-Tarčin izgrađeni poslovni objekat za uzgoj pilića sa pratećim objektima, održava u funkcionalnom stanju i koristi u skladu sa njihovom namjenom i uslovima iz ove vodne dozvole.
 - 3.2. Da se zbrinjavanje otpadne vode od pranja objekta i opreme za tov pilića vrši u izgrađenoj vodonepropusnoj septičkoj jami te ukoliko postoji preliv u istoj u upojni bunar da se izvedu radovi kojima bi se onemogućilo ispuštanje otpadnih voda u podzemne vode.
 - 3.3. Čišćenje septičke jame i pratećih elemenata, te odvoz i konačno zbrinjavanje otpadnog mulja i taloga, kao i opasnog otpada sa lokacije predmetne poslovnog objekta može vršiti isključivo firma ovlaštena za tu vrstu djelatnosti, prema sklopljenom ugovoru. O načinu i vremenu radova održavanja, odnosno o pražnjenju, odvozu i zbrinjavanju sadržaja septičke jame, neophodno je voditi službenu evidenciju i arhivu.
 - 3.4. Da se spriječi nekontrolisano rasipanje tečnog i krutog otpada po okolnom zemljištu, te da se aplikacija đubriva na poljoprivredne površine vrši u skladu sa pravilima dobre poljoprivredne prakse i van područja vodnog dobra i zona sanitarne zaštite vode za piće, a u cilju zaštite podzemnih i površinskih voda.
 - 3.5. Da korisnik obavezno praktikuje suho čišćenje prije pranja vodom, da bi se uklonile organske nečistoće sa radnih površina, trošilo manje vode za pranje i time smanjilo zagađenje u otpadnim vodama.
 - 3.6. Da se, u skladu sa propisima iz oblasti zaštite okoliša, vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).

- 3.7. Otpad koji nastaje u postupku rada farme za uzgoj pilića, te mulj iz postrojenja za prečišćavanje otpadnih voda ne smije se odlagati na česticu «vodno dobro», odnosno u vodotoke i na njegove obale.
- 3.8. Da se privremeno i konačno zbrinjavanje otpada uginulih pilića i drugih nusprodukata koji nastaju u postupku rada farme za uzgoj pilića, vrši u skladu sa Zakonom o veterinarstvu i Pravilnikom o načinu postupanja sa životinjskim lešinama i otpadom životinjskog porijekla i propisima iz oblasti zaštite okoliša.
- 3.9. Ukoliko radom predmetnog objekta dođe do promjene režima površinskih ili podzemnih voda, a te promjene prouzrokuju štete ma kakvog karaktera, korisnik vodne dozvole je obavezan uzroke štete otkloniti, a nastalu štetu nadoknaditi.
- 3.10. Investitor je obavezan pridržavati se svih mjera i uslova, propisanih u saglasnostima i dozvolama, izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. U slučaju vanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik objekta obavezan je izvjestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
6. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog poslovnog objekta sa pratećim sadržajima obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
7. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
8. Ova vodna dozvola, shodno članu 117. stav (1) Zakona o vodama se daje sa rokom važenja od 5 (pet) godine od dana pravosnažnosti ovog rješenja.
9. Prije isteka važnosti ove dozvole, Investitor je dužan da podnese zahtjev za izdavanje nove vodne dozvole.
10. Ova vodna dozvola može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev.

O b r a z l o ž e n j e

Investitor OD „ADO“ vl. Golubić Đula-Tarčin zahtjevom bez broja od 19.05.2023. godine obratio se ovoj Agenciji, za donošenje rješenja o vodnoj dozvoli za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada farme za uzgoj pilića, izgrađene u naselju Odžak u Tarčinu, općina Hadžići, kapaciteta 8 000 pilića, na zemljištu označenom kao k.č. broj: 974, K.O. Duranovići.

U provedenom postupku dostavljena je i pregledana sljedeća dokumentacija:

A. Opšta dokumentacija

- Ovjerena kopija uvjerenja o poreznoj registraciji, izdatog 30.03.2012. godine od strane Porezne uprave Federacije - Kantonalnog poreznog ureda Sarajevo;
- Kopija uplatnice administrativne takse,
- Rješenje o građevinskoj dozvoli broj: 07-23-3-497/2009 od 17.02.2009 godine izdato od strane Službe za urbanizam, prostorno uređenje, urbanizam i građenje, Općina Hadžići-kopija,

- Rješenje o upotrebnoj dozvoli broj: 07-23-4-719/2010 od 21.07.2010 godine izdato od strane Službe za urbanizam, prostorno uređenje, urbanizam i građenje, Općina Hadžići-kopija,
- Uvjerjenje broj : 02/6/II-16-11-20-522/21 od 22.01.2021 godine Uprava za indirektno-neizravno oporezivanje, Regionalni centar Sarajevo,
- Rješenje o veterinarskoj saglasnosti broj: 07-06-24-4885 od 29.08.2008 godine od strane Ministarstvo privrede Kantona Sarajevo
- Rješenje o veterinarskoj saglasnosti broj: 07-06-24-1843 od 24.04.2013 godine od strane Ministarstvo privrede Kantona Sarajevo
- Kopija katastarskog plana broj plana 3, UR BROJ: 05-26-2-780/2023-4 od 14.04.2023 godine, Služba za imovinsko pravne poslove, geodeske poslove i katastar nekretnina , Općina Hadžići,
- Ugovor o čišćenju i odvozu sadržaja sabirne i septičke jame od strane KJKP „Vodovod i kanalizacija“ d.o.o. Sarajevo-ugovor nije važeći

B. Tehnička dokumentacija

- Glavni projekat-objekat za uzgoj pilića vlasnika Golubić Muhameda u naselju Odžak , Tarčin urađen od strane „RE KONSTRUKCIJA“ d.o.o. Sarajevo, januar 2008 godine- kopija izvoda iz projekta,

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari i u skladu sa članom 12. Stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata («Službene novine Federacije BiH», br. 31/15, 55/19, 41/20 i 63/22), izvršen je obilazak predmetne lokacije i tom prilikom sačinjen zapisnik o uviđaju broj: UP-1/21-3-40-209-2/23 od 07.08.2023. godine.

Uvidom u dostavljenu dokumentaciju i izvršenim uviđajem na licu mjesta može se konstatovati sljedeće:

Farma za tov pilića, projektovanog kapaciteta 9000 pilića po turnusu sa pratećim sadržajima (manipulativni prostor, uređaj za prečišćavanje otpadnih voda i sl.), izgrađena je u naselju Odžak u Tarčinu, općina Hadžići, na zemljištu označenom kao k.č. broj: 974 K.O. Duranovići.

Trenutni kapacitet farme je 8 000 pilića po turnusu.

Snabdijevanje vodom poslovnog objekta vrši se iz gradskog vodovodnog sistema kojim upravlja JP „KOMUNALAC“ d.o.o. Hadžići.

Tehnološke otpadne vode na farmi za tov pilića su otpadne vode koje nastaju čišćenjem i pranjem podnih površina i opreme te osoka iz đubrenke. Po projektnom rješenju predviđeno je ispuštanje preliva septičke jame u upojni bunar.

Prilikom uviđaja nije bilo moguće utvrditi da li septička jama ima preliv a po izjavi podnosioca zahtjeva ista je urađena bez preliva te je shodno navedenom propisan uslov u tački 3.2. ovog Rješenja.

Kruti otpad se crpi i odvozi putem ovlaštene firme na konačno zbrinjavanje prema sklopljenom ugovoru.

Kruti otpad (prostirka) iz objekata farme za tov pilića se privremeno skladištiti na lokaciji na betoniranoj površini koja je natkrivena te nakon procesa zrenja koristi u poljoprivredne svrhe.

Sanitarne-fekalne otpadne vode se zbrinjavaju u vodonepropusnoj septičkoj jami.

Na predmetnoj lokaciji se ne vrši klanje pilića, a se isto vrši od strane „BROVIS“ d.o.o. Visoko prema sklopljenom ugovoru.

Za predmetni poslovni objekat nije potrebno pribavljanje okolinske dozvole.

Na osnovu dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodom dozvolom u tački 3. dispozitiva Rješenja propisani uslovi u skladu sa odredbama članova 53. i 116. Zakona o vodama, člana 12. i 13. Pravilnika o sadržaju, obliku, uvjetima načinu izdavanja i čuvanja vodnih akata.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH”, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH”, broj 46/07).

Na osnovu provedenog postupka konstatuje se da je podnosilac zahtjeva, OD „ADO” vl. Golubić Đula-Tarčin, ispunio minimum uslova za izdavanje vodne dozvole za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta voda kao posljedica rada poslovnog objekta –farme za uzgoj pilića u naselju Odžak u Tarčinu, općina Hadžići, te je riješeno kao u dispozitivu ovog rješenja.

Podnosilac zahtjeva je, na ime izdavanja ovog vodnog akta, izvršio uplatu federalne pristojbe iz tar. br. 43. Zakona o federalnim upravnim pristojbama i Tarife federalnih upravnih pristojbi («Službene novine Federacije BiH», br. 6/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta

Ahmedić Behija dipl.inž.tehn.

Po ovlaštenju

Rukovodilac sektora za izdavanje vodnih akata



Haris Ališehović, dipl. inž. građ.

Dostaviti:

- OD „ADO” vl. Golubić Đula, Odžak, Tarčin, Hadžići
- AVP Sava, ISV – Vodna knjiga
- Sektor 50
- ⊕ Sektor 40, arhiiva
- Oglasna tabla AVP-Sava Sarajevo